

Sèkài ê Boátjít

3 Lí tiòh chai, tī boátjít ē ū chióngchióng ê khóilān. ² Inūi hit sī lāng ē chūsu, thamchāi, chūkhóa, kiaungō, siattók, ngógék pēbú, bōngun, bō sèngkiat, ³ bō chhinchēng, m̄ khéng khoaniōng, húipòng, bō ioksok kakī, chānpō, oànhūn liōngsiān, ⁴ chhutbē pēngiú, khengsut, chūko chūtāi, jīchhiáⁿ ài híonglók iáⁿkòe thiàⁿ SiōngChú; ⁵ in ū kèngkhiān ê hēngsek, khiok bō kèngkhiān ê sitchit. Lí tiòh siámpī chit khoán lāng. ⁶ In tiongkan ū lāng thauthau'á jip khi pátlāng ê chhù nih, bêhék bûti ê chabó lāng, iā tòh sī hiahê hō chōeok apchè, kah hō chēngiòk chiphòe ê chabó lāng. ⁷ Chiahê chabó lāng putsī to teh háksip, khiok éngoán bō hoattō bēngpék chinlí. ⁸ Tú chhinchhiūⁿ cháchēng ê lânê kah lâmbù teh tùikhòng Môse, chit má chiahê lāng mā kángkhoán áne teh tùikhòng chinlí. In ê simchì íkeng pāihoāi, tī sèngióng siōng bō hoattō thongkòe khógiām. ⁹ M̄ koh, chiahê lāng bē tàng koh hoatseng siáⁿmih chokiōng, inūi in ê gūgōng ē chhinchhiūⁿ lânê kah lâmbù kángkhoán, tī chēnglāng ê bīnchēng lōhiān.

Í Páulô Chò Bôhoān

¹⁰ M̄ koh, lí ū chunsiú góa ê kāsī, koh háksip góa ê kiáⁿtáh, chihìong, sìnliām, nāisim, thiàⁿsim, íkip tùi só siū ē pekhāi kah khóilān ê thunlún. ¹¹ Lí mā chai góa tī Antiokhè, íkonióng kah Lúsutòh só tú tiòh ē pekhāi kah khóilān, chóng sī, Chú kiù góa thoatlī che itchè ē khóilān. ¹² Sūsit siōng, sōu siūⁿ beh tī Kitok lésu nih kòe kèngkhiān sengoáh ê lāng, lóng ē chosiū pekhāi. ¹³ M̄ koh, pháíⁿ lāng kah piánsian'á ē ná lái ná pháíⁿ, in khiphiàn lāng, kakī mā siū khiphiàn. ¹⁴ M̄ koh, lí tiòh chhisiú lí só háksip kah só khaksin ê tōlí, inūi lí chai chiahê tōlí sī tùi siáⁿ lāng háksip ê. ¹⁵ Lí mā chai lí tùi sèhàn tòh bat kengtián, chiahê kengtián ē tàng hō lí ū tihūi, thang thongkòe sìn Kitok lésu lái titkiù. ¹⁶ Sōu ē kengtián lóng sī SiōngChú béksī ê, tùi kàuō, chekpī, kiùchèng, íkip ínchhōa lāng háksip konggī, lóng ū līek, ¹⁷ thang hō hōksāi SiōngChú ê pókjīn tit tiòh chhionghun ê chongpī, thang chò tàk chióng ê hó sū.

世界 ê 末日

3 你 tiòh 知, tī 末日 ē 有種種 ê 苦難。 ² 因 為 hit 時人 ē 自私、貪財、自誇、驕傲、褻瀆、忤逆父母、忘恩、無聖潔、³ 無親情、m̄肯寬容、誹謗、無約束 kakī、殘暴、怨恨良善、⁴ 出賣朋友、輕率、自高自大, 而且 ài 享樂贏過疼上主; ⁵ in 有敬虔 ê 形式, 卻無敬虔 ê 實質。你 tiòh 閃避 chit 款人。 ⁶ In 中間有人偷偷 á 入去別人 ê 厝裡, 迷惑無知 ê chabó 人, 也 tòh 是 hiahê hō 罪惡壓制, kah hō 情慾支配 ê chabó 人。 ⁷ Chiahê chabó 人不時都 teh 學習, 卻永遠無法度明白真理。 ⁸ Tú 親像早前 ê 雅尼 kah 洋布雷 teh 對抗摩西, chit má chiahê 人 mā 全款 áne teh 對抗真理。 In ê 心志已經敗壞, tī 信仰上無法度通過考驗。 ⁹ M̄ koh, chiahê 人 bē tàng koh 發生啥物作用, 因為 in ê 愚戇 ē 親像雅尼 kah 洋布雷全款, tī 眾人 ê 面前露現。

以保羅做模範

¹⁰ M̄ koh, 你有遵守我 ê 教示, koh 學習我 ê 行踏、志向、信念、耐心、疼心, 以及對所受 ê 迫害 kah 苦難 ê 吞忍。 ¹¹ 你 mā 知我 tī 安提阿、以哥念 kah 路司得所 tú tiòh ê 迫害 kah 苦難, 總是, 主救我脫離這一切 ê 苦難。 ¹² 事實上, 所有想 beh tī 基督耶穌裡過敬虔生活 ê 人, lóng ē 遭受迫害。 ¹³ M̄ koh, pháíⁿ 人 kah pián 仙 á ē ná lái ná pháíⁿ, in 欺騙人, kakī mā 受欺騙。 ¹⁴ M̄ koh, 你 tiòh 持守你所學習 kah 所確信 ê 道理, 因為你知 chiahê 道理是 tùi 啥人學習 ê。 ¹⁵ 你 mā 知你 tùi 細漢 tòh bat 經典, chiahê 經典 ē tàng hō 你有智慧, thang 通過信基督耶穌來得救。 ¹⁶ 所有 ê 經典 lóng 是上主默示 ê, 對教導、責備、糾正, 以及引 chhōa 人學習公義, lóng 有利益, ¹⁷ thang hō 服事上主 ê 僕人得 tiòh 充分 ê 裝備, thang 做 tàk 種 ê 好事。